

Kia takatū ki te rēhita, ki te pōti hoki



**ELECTORAL
COMMISSION**
TE KAITIAKI TAKE KŌWHIRI

ROE47 A4 Te Ātiawa 07/2024

He whaitake tō rēhita ki te pōti?

Nā tō rēhitatanga ki te pōti, ka whai reo koe i roto i ngā pōtitanga ā-motu, i ngā pōtitanga ā-rohe, me ngā tāpaetanga pōti.

Ko te pōtitanga he āheinga e mana ai tō kōwhiri mā wai koe e whakakanohi i roto i te Pāremata, tō kaunihera ā-rohe rānei, mō ngā take e ngākau nui ai ki a koe.

Mā te rēhita ki te pōti e āhei ai koe ki te whakaputa i ō whakaaro.



Ko wai e āhei ana ki te rēhita ki te pōti?

Ka herea koe e te ture ki te rēhita mehemea:

- kua 18 tau tō pāhake, kua pāhake ake rānei koe, ā
- he kirirarau koe nō Aotearoa, he kainoho pūmau rānei koe nō Aotearoa, ā
- kua noho koe ki Aotearoa mō tētehi wā roa ake i te 12 marama karapipiti, i roto i ngā tau.

Mehemea nō Ahitereiria, nō ngā Kuki Airani, nō Niue, nō Tokelau rānei koe, ka āhei koe ki te rēhita, ki te pōti hoki mehemea kua noho koe ki Aotearoa mō te 12 marama karapipiti.

Mehemea ka noho koe ki tāwāhi ka āhei koe ki te rēhita ki te pōti mēnā koe:

- he kirirarau nō Aotearoa kua tatū mai ki Aotearoa i roto i nga tau e toru kua pāhure, rānei
- He kainoho pūmau ki Aotearoa kua tatū kē mai ki Aotearoa i ngā marama 12 kua pāhure.

Mō ngā take pōti, he kainoho pūmau ngā tāngata he mana ā-ture ō rātou ki te noho ki Aotearoa, ā, ehara i te mea kua kīia ā-ture me wehe rātou i roto i tētehi wā tauwhāiti. Ko te korowaitia e tēnei ngā tāngata he pane uruwhenua kainoho ā rātou.

Ko te āhei koe ki te rēhita mehemea kua 17 ō tau. Hei tō huritau 18, ka rēhita aunoatia koe, me te aha, kua rite koe ki te pōti.



Ko tā te Māori rēhita ki te pōti

Mehemea he Māori koe, ā, ko tēnei tō rēhitatanga mātahi ki te pōti, ka kōwhiri koe i te rārangi pōti e hiahia nā koe.

Mehemea kua rēhita kē koe, ka āhei hoki koe ki te whakawhiti rārangi ahakoa te wā, engari kua:

- I roto i te 3 marama i mua i tētehi pōtitanga ā-motu, i tētehi pōtitanga ā-rohe rānei.
- I mua i tētehi pōtitanga pāerotanga ā-pāremata, mehemea nā tō whakawhitinga, ka nekehia koe ki te rohe pōti e tū ai taua pōtitanga pāerotanga.

He aha te pānga o tō kōwhiringa rārangi ki a koe?

Ka tohu tō kōwhiringa i te rohe pōti hei reira rā pōti ai koe, me ngā kōwhiringa kaitono ka hora ki a koe i roto i ngā pōtitanga pāremata me ngā pōtitanga ā-rohe.

Ki te kōwhiri koe i te rārangi whānui, ka pōti koe i tētehi kaitono i te rohe pōti whānui. Ki te kōwhiri koe i te rārangi Māori, ka pōti koe i tētehi kaitono i te rohe pōti Māori.

Kotahi anake te rārangi o ngā rōpū tōrangapū hei pōti māu i te pōtitanga ā-motu, ahakoa te rārangi e noho nā koe.

Ka pā atu peangē tō kōwhiringa rārangi ki ngā kōwhiringa kaitono e hora ana ki a koe i roto i ngā pōtitanga ā-rohe. Mehemea ka kōwhiri koe i te rārangi Māori, ā, he wāri Māori kei tō kaunihara, he marea pōti (arā, he “constituency”) Māori rānei, ka pōti koe i ngā kaitono i roto i taua takiwā pōti Māori. Mehemea ka kōwhiri koe i te rārangi whānui, ka pōti koe i ngā kaitono i roto i te takiwā pōti whānui.



Ko te māharahara koe mō tō haumarutanga?

Mehemea ko te māharahara koe mō tō haumarutanga, mō te haumarutanga rānei o tō whānau, ka āhei koe ki te tono mai kia noho tō ingoa ki te rārangi muna matatapu. Ka āta tiakina ō taipitopito rēhita kia kore e riro i tangata kē atu.

Toro mai ki **vote.nz**, waea mai rānei ki **0800 36 76 56** ki te tono i ētehi whakamāramatanga nō, ki te tono rānei mō tō puka rēhita mō te rārangi muna.



Me pēhea taku rēhita?

He māmā te rēhita, te whakahou rānei i ō taipitopito. Ka āhei koe ki te:

- toro mai ki **vote.nz** ki te rēhita ā-ipurangi ki tō raihana hautū waka o Aotearoa, ki tō uruwhenua o Aotearoa, ki tō tuakiri whaimana RealMe rānei
- waea utukore mai ki **0800 36 76 56** ki te tono kia tukua atu he puka ki a koe.

Ā muri i tō rēhitatanga, kua tāpirihia tō ingoa ki te rārangi pōti. Me mātua noho tō ingoa ki te rārangi pōti e āhei ai koe ki te pōti.

Me whakahou koe i ō taipitopito wāhi noho, i ia wā ka hūnuku koe ki whare kē noho ai.



Ko te hiahia kia āwhinatia koe ki te rēhita?

Ka āhei koe ki te tono ki tētehi kaitautoko, pērā i tētehi hoa, i tētehi whanaunga rānei, ki te āwhina i a koe ki te whakakī i tō puka rēhita. Ka āhei hoki koe ki te tono mai ki tō mātou tīma rēhitatanga.

Māu anō te puka e waitohu.

Mehemea e mōhio ana koe ki tētehi tangata kāhore e taea e ia tana puka rēhita te whakakī, nā runga i tōna waimaerotanga ā-tinana, ā-hinengaro rānei, ka taea peangē e koe te āwhina atu.



Ko te hiahia ki ētehi whakamāramatanga nō?

Mehemea ko te hiahia koe ki ētehi whakamāramatanga nō mō te rēhitatanga me te pōtitanga:

- toro mai ki **vote.nz**
- waea mai ki **0800 36 76 56**

E hora ana ngā pārongo mō te rēhita me te tuku pōti i ngā reo maha me ngā kātū hōputu ki **vote.nz**

